



بابا صاحب امبیڈکر

ہر ملک نے اندر گچھ خاص خاص شخصیتاں ہونیاں ہین جیہڑیاں اپنے کارنامیاں تہ کار کردگیاں واسطے قوم نے دلاں بچ ہمیشاں واسطے بسنیک ہوئی جانیاں۔ آساں نے ملک ہندوستان بچ وی اسے طراں بنیاں بے شمار شخصیتاں ہوئیاں جنہاں کی قوم آج وی انہاں نے کارنامیاں نی وجہ تھیں یاد کرنی ہے۔ انہاں بچوں ہی اک ایسی شخصیت وی سی جس کی لوک بابا صاحب بھیم راؤ امبیڈکر نے ناں نال جانین۔

ڈاکٹر بھیم راؤ امبیڈکر نا جنم 14 اپریل 1891ء بچ ریاست مدھیہ پردیش نے متو علاقے بچ رام جی مالو جی نے کھر ہو یا۔ اوہ اک کچھڑے طبقے نال تعلق رکھنے سن۔ انہاں نے والد فوج بچ ملازم سن۔

جدوں ڈاکٹر امبیڈکر نا جنم ہويا، اُس ویلے ہندوستانی سماج نے اندر
چھوت چھات فی لعنت اپنے زوراں اُپرسی تہ کچھڑی ذات نے بچیاں کی انہاں
سکولاں بچ داخلہ نیہہ سی ملنا جتھے اُچی ذات نے بچے وی پڑھنے ہوون۔ اس
امتیازی سلوک ناشکار بھیم راؤ امبیڈکر وی ہوئے۔ اسراں فی انہاں منڈھلی تعلیم
جماعت نے کمرے تھیں باہر ہوئی۔

انہاں ہمت نیہہ ہاری تہ اپنی تعلیم جسراں کسراں جاری رکھی ہوو اس طراں
انہاں آخر ایلفن سٹون کالج تھیں بی۔ اے نا امتحان پاس کیتا۔ اس سلسلے کی اگے
بدھانیاں ہویاں انہاں امریکہ فی کولمبیا یونیورسٹی تھیں ایم۔ اے ہوو فرپی۔ ایچ۔ ڈی
نیاں ڈگریاں حاصل کیتیاں ہوو برطانیہ تھیں قانون فی تعلیم حاصل کیتی۔

بابا صاحب امبیڈکر اک اُپے درجے نے دانشور تہ قانون دان سن۔
انہاں ساری عمر مظلوماں، محکوماں تہ دبے دباڑے نے لوکاں فی پہلائی بہتری
واسطے کم کیتا۔ انہاں فی دلی خواہش سی جے کسے طراں ہندوستان تھیں چھوت
چھات تہ ذات پات فی لعنت کی ختم کیتا جائی سکے تہ اس واسطے انہاں ساری
زندگی کوشش کیتی۔

بابا صاحب امبیڈکر کی ایہ شرف حاصل ہے کہ جس ویلے ہندوستان نا دستور بنایا گیا، انہاں کی اُس دستور بنانے والی کمیٹی نا سربراہ مقرر کیتا گیا، اوہ آزاد ہندوستان نے پہلے وزیر قانون وی بنے۔

ہندوستان نے آئین نے اندراقلیتاں ہو ردلتاں نے حوالے نال اگر گجھ ہے تہ اوہ محض بابا صاحب امبیڈکر نیاں جہدیاں نا نتیجہ ہے۔ انہاں فی شخصیت نے بے شمار پہلو ہین۔ اوہ جتھے اک قانون دان سن، اُتھے ہی اک ماہر اُستاد تہ مصنف وی سن۔ اوہ سیاسیات نے ماہر ہون نے نال نال اقتصادیات نا وی ڈوہنگا علم رکھنے سن۔ انہاں فی قابلیت تہ خدمتاں نے عوض بچ انہاں کی مُلک نے اک عظیم اعزاز ”بھارت رتن“ نال وی نوازا گیا ہے۔

بابا صاحب 65 برہے فی عمر بچ 6 دسمبر 1956ء کی فوت ہوئے۔ قوم اُج وی انہاں نے جنم دن یعنی 14 اپریل کی ”امبیڈکر جینتی“ نے طور ور منانی ہے۔ ہندوستانی عوام انہاں کی ہمیشاں ہندوستان نے عظیم دستور ساز نے طور اُپر یاد رکھی گی۔

1۔ اوہکھے لفظاں نامطلب:

بسَنپک	:	کسے جگہ بسنے آلا
تچھڑے	:	چھڑے پیئے۔ غریب
چھوت چھات	:	کسے نال ہتھ ملانے تہ ملنے جُلنے تھیں نفرت کرنا
دَلّت	:	نکی ذات والے لوک جنہاں نال اُچیاں ذاتاں
		والے فرقو فرقی کرنین
مُنڈھلی	:	شروع والی۔ پہلی
دبے دباڑے	:	اوہ لوک جنہاں کی معاشرے نچ اُپر نہ اُٹھن دتا جائے۔
		اگے نہ بدھن دتا جائے
اقلیتاں	:	ایسا قبیلہ یا قوم جیہڑے کسے مُلک نچ کھٹ
		تعداد نچ ہوون
دستور	:	آئین۔ قانون
پہلو	:	پاسا۔ بکھی۔ باندے۔ اگے
مصنف	:	کتاب لکھنے والا

عوض : بدلہ۔ اُجرت۔ معاوضہ۔ صلہ
 جینتی : جنم دن۔ اوہ تہیاڑ اجدوں کوئی جمیا ہووے
 دستور ساز : آئین مرتب کرنے والا۔ قانون بنانے والا
 جھدیاں : کوششاں

2۔ مندرجہ ذیل سوالاں نے جواب دیو:

- (۱) بابا صاحب امبیڈکر کتھے پیدا ہوئے؟
- (۲) اُنہاں نے پیونا کہہ ناں سی؟
- (۳) بابا صاحب بی۔ اے کتھوں کیتی؟
- (۴) اُنہاں کو لمبیا یونیورسٹی تھیں کیہڑیاں ڈگریاں حاصل کیتیاں؟
- (۵) بابا صاحب قانون فی تعلیم کتھوں حاصل کیتی؟
- (۶) بابا صاحب کی کیہڑی کمیٹی ناسر براہ بنایا گیا؟
- (۷) بابا صاحب کی کیہڑی وزارت دتی گئی؟
- (۸) بابا صاحب امبیڈکر فی وفات کدوں ہوئی؟

3۔ انہاں لفظاں کی اپنے جُملیاں بنج برتو:

بسَنپ۔ چھوت چھات۔ مُنڈھلی۔ اعزاز۔ دستور ساز

4۔ ہندوستان نیاں بنج بڑیاں شخصیتاں نے ناں لکھو:

۱: مہاتما گاندھی

۲:

۳:

۴:

۵:

